

სსიპ - საგანმანათლებლო და სამეცნიერო ინფრასტრუქტურის განვითარების
სააგენტოს

სსიპ - საგანმანათლებლო დაწესებულების მანდატურის სამსახურის

სსიპ - განათლების ხარისხის განვითარების ეროვნული ცენტრის

სსიპ - შოთა რუსთაველის ეროვნული სამეცნიერო ფონდის

ქ. თბილისში, ალექსიძის ქ. N1-ში მდებარე შენობა-ნაგებობა N1-ის საოფისე ფართის, სარდაფის
ფართის, ეზოს ტერიტორიის და ფასადის დასუფთავების მომსახურების სახელმწიფო შესყიდვის
ერთობლივი გამარტივებული ელექტრონული ტენდერი
(CPV 90900000)

სატენდერო დოკუმენტაცია

ქ. თბილისი

2016 წელი

სარჩევი

1. ინსტრუქცია ტენდერში მონაწილეთათვის
2. ტექნიკური დოკუმენტაცია
3. სახელმწიფო შესყიდვის შესახებ ხელშეკრულების პროექტი
4. დანართი N1 - აფიდავიტის საილუსტრაციო ფორმა
5. დამატებითი ინფორმაცია
6. დანართი N2 - ტენდერში მონაწილის მიერ წარმოსადგენი ინფორმაციის ფორმა
7. დანართი N3 - მომსახურების ხარჯთაღრიცხვა
8. დანართი N4 - მომსახურების განვევისას გამოსაყენებელი სახარჯი მასალებისა და პრეპარატების ხარისხობრივი მახასიათებლების ფორმა

1. ინსტრუქცია ტენდერში მონაწილეთათვის

1.1. სახელმწიფო შესყიდვების ერთიან ელექტრონულ სისტემაში (შემდგომში – სისტემა) შესყიდვის პროცედურები ხორციელდება საქართველოს კანონის „სახელმწიფო შესყიდვების შესახებ“ და „გამარტივებული ელექტრონული ტენდერისა და ელექტრონული ტენდერის ჩატარების წესის დამტკიცების შესახებ“ სახელმწიფო შესყიდვების სააგენტოს თავმჯდომარის 2011 წლის 7 აპრილის N9 ბრძანების შესაბამისად.

1.2. ტენდერთან დაკავშირებული ყველა დოკუმენტი ან/და ინფორმაცია წარმოდგენილ უნდა იქნეს ქართულ ენაზე. დოკუმენტების ან/და ინფორმაციის უცხოურ ენაზე წარდგენის შემთხვევაში მათ უნდა დაერთოს ნოტარიულად დამოწმებული ქართული თარგმანი.

1.3. დავის შემთხვევაში უცხოენოვან დოკუმენტსა და მის ქართულ ენაზე შესრულებულ თარგმანს შორის, პრიორიტეტის მინიჭების საკითხს წყვეტს სატენდერო კომისია.

1.4. სახელმწიფო შესყიდვების ერთიან ელექტრონულ სისტემაში (შემდგომში – სისტემა) ატვირთული ყველა დოკუმენტი ან/და ინფორმაცია ხელმოწერილი ან/და ბეჭედდასმული (ბეჭდის არსებობის შემთხვევაში) უნდა იყოს უფლებამოსილი პირის მიერ (საჭიროების შემთხვევაში ატვირთულ უნდა იქნას მინდობილობა ან რწმუნებულობა).

1.5. სატენდერო პროცედურების განხორციელების ეტაპზე სუბკონტრაქტორ(ებ)ის არსებობის შემთხვევაში სახელმწიფო შესყიდვების ერთიან ელექტრონულ სისტემაში ატვირთული უნდა იქნას პრეტენდენტსა და სუბკონტრაქტორ(ებ)ს შორის გაფორმებული ხელშეკრულებ(ებ)ი).

1.6. სახელმწიფო შესყიდვების შესახებ ხელშეკრულების ფორმა და პირობები მოცემულია სატენდერო დოკუმენტაციაში, რომელიც ხელშეკრულების დადების მომენტისათვის დაზუსტდება სატენდერო წინადადების შესაბამისად.

1.7. პრეტენდენტს არა აქვს უფლება წარმოადგინოს ალტერნატიული სატენდერო წინადადება.

2. ტექნიკური დოკუმენტაცია

2.1. პრეტენდენტს უნდა გააჩნდეს ანალოგიური მომსახურების გაწევის არანაკლებ 2 (ორი) წლიანი გამოცდილება (წარმოდგენილი უნდა იქნეს ხელშეკრულებები და მიღება-ჩაბარების აქტები ან/და სახელმწიფო შესყიდვის ერთიანი ელექტრონული სისტემის მონაცემები, კერძოდ: SPA და CMR ნომრები);

2.2. სატენდერო წინადადების ფასი:

2.2.1. სატენდერო წინადადებაში საერთო და ერთეულის ფასი გამოსახული უნდა იყოს საქართველოს კანონმდებლობით გათვალისწინებული და შესყიდვის ობიექტის მიწოდებასთან დაკავშირებული ყველა გადასახადის გათვალისწინებით.

2.2.2. სატენდერო წინადადების საერთო და ერთეულის ფასის წარმოდგენა დასაშვებია მხოლოდ ლარებში.

2.3. ანგარიშსწორების პირობები:

2.3.1. ანგარიშსწორება მოხდება უნაღდო ანგარიშსწორებით ლარში, ფაქტიურად გაწეული მომსახურების შესაბამისად.

2.3.2. ანგარიშსწორება მოხდება ეტაპობრივად, ყოველთვიურად მხარეთა შორის მიღება-ჩაბარების აქტის გაფორმებიდან არაუგვიანეს 30 დღის ვადაში.

2.3.3 ანგარიშსწორებას თითოეული შემსყიდველი ორგანიზაცია განახორციელებს, სატენდერო წინადადების საერთო ფასის მიხედვით, დანართ N3-ში მოცემული ხარჯთაღრიცხვის შესაბამისად.

2.4 შესყიდვის ობიექტის ტექნიკური დავალება და გასაწევი მომსახურების ჩამონათვალი:

ქ. თბილისში, მ. ალექსიძის ქ. N1-ში მდებარე შენობა-ნაგებობა N1-ის (5 სართულიანი შენობა) საოფისე ფართის, სარდაფის ფართის, ფასადის და ეზოს დასუფთავება.

მათ შორის:

სსიპ საგანმანათლებლო და სამეცნიერო ინფრასტრუქტურის განვითარების სააგენტოს 929.59 მ/კვ-ის საოფისე ფართის დასუფთავება (პრეტენდენტმა უნდა გაითვალისწინოს, რომ სართულის ინტერიერში არის შუშის ტიხრები 1212 მ/კვ-ი).

სსიპ საგანმანათლებლო დაწესებულების მანდატურის სამსახურის 798.34 მ/კვ-ის საოფისე ფართის და 315.11 მ/კვ-ის სარდაფის ფართის დასუფთავება.

სსიპ განათლების ხარისხის განვითარების ეროვნული ცენტრის 1 711.26 მ/კვ-ის საოფისე ფართის და 324.11 მ/კვ-ის სარდაფის ფართის დასუფთავება.

სსიპ შოთა რუსთაველის ეროვნული სამეცნიერო ფონდის 1 154.50 მ/კვ-ის საოფისე ფართის და 78.11მ/კვ-ის სარდაფის ფართის დასუფთავება.

ქ. თბილისში, ალექსიძის ქ. N1-ში მდებარე შენობა-ნაგებობა N1-ს შენობის ცენტრალური კიბის უჯრედის 185 მ/კვ-ის და ცენტრალურ შესასვლელთან არსებული კიბეების და ქვის საფარის დასუფთავება.

ქ. თბილისში, ალექსიძის ქ. N1-ში მდებარე შენობა-ნაგებობა N1-ს შენობის სათაღარიგო კიბის უჯრედის და სარდაფის კორიდორის 358.88 მ/კვ-ის დასუფთავება.

ქ. თბილისში, ალექსიძის ქ. N1-ში მდებარე შენობა-ნაგებობა N1-ს შენობის ფასადის,მათ შორის: 1 302.04 მ/კვ-ის ნაწრობი შუშების და 402.06 მ/კვ-ის ხის ფაქტურიანი ფუნდენმაქსის დასუფთავება.

ქ. თბილისში, ალექსიძის ქ. N1-ში მდებარე 4280 მ/კვ ეზოს, მათ შორის: 1260 მ/კვ-ის მწვანე საფარის (ბალახი) და 135 გრძივი მეტრი მარადმწვანე ბუჩქების დასუფთავება. ამასთან მომსახურება უნდა მოიცავდეს ეზოში განთავსებული სანათების, ეზოს გამყოფი სვეტებისა და მათში ჩამონტაჟებული სანათების, ურნების, სკამების, წყლის შადრევნის, შენობის პერიმეტრზე არსებული სარინელის, პანდუსისა და ტერასების

დასუფთავებას.

N	გასაწვეი მომსახურების ჩამონათვალი	შესრულების პერიოდი	სამუშაოს შესრულების არეალი	სამუშაოს კლასიფიკაცია
1	ყველა სართულზე: • ზედაპირული ნაგვის (ქაღალდის ნარჩენები, სიგარეტი, საღებავი რეზინების და სვა), ნარჩენების, ნახაზების და სხვა არასასურველი ნივთების მოცილება იატაკიდან და კედლებიდან. • მშრალი დასუფთავება (მტვრის მოცილება) და საჭიროების მიხედვით ზედაპირების წერტილოვანი რეცხვა ხსნარებით. • შემოსასვლელი კარების მინებზე თითების ანაბეჭდების მოცილება. • საპირფარეშო ოთახებში საპნის და ქაღალდის მარაგების კონტროლი და საჭიროების შემთხვევაში შევსება, ქაღალდის დისპანსერების გამართული მუშაობის უზრუნველყოფა, ჰაერის წამახალისებელის გაშვება.	სამუშაო საათების მთელი პერიოდის განმავლობაში	საოფისე ფართების, ჰოლი, ტუალეტები, შუშის ტიხრები, ცენტრალური შესასვლელი, კიბის უჯრედები, აივნები, სამზარეულო	ოპერატიული
2	ყველა სართულზე: • ოფისებში და აივნებზე არსებული ურნებიდან ნაგვის გადაყრა დანიშნულების ადგილზე; • მშრალი დასუფთავება (მტვრის მოცილება) და ოფისებში არსებული ავეჯის, ასევე კომპიუტერული ტექნიკის გაპრიალება; • საპირფარეშო ოთახებში არსებული ინვენტარის რეცხვა-დეზინფექცია, დისპანსერების გამართული მუშაობის უზრუნველყოფა, ქაღალდითა და საპნით ავსება, ჰაერის წამახალისებელის გაშვება; • ზედაპირების სპეციალური დამუშავება (პოლირება, ლაქების ამოყვანა, რეცხვა); • მტვერსასრუტით და მოფედით იატაკის დასუფთავება; • აივნების იატაკის დასუფთავება	დღეში ერთხელ არასამუშაო საათების დროს	საოფისე ფართების, ჰოლი, ტუალეტები, შუშის ტიხრები, ცენტრალური შესასვლელი, კიბის უჯრედები, აივნები, სამზარეულო	რეგულარული
3	ყველა სართულზე: • შენობის გარე პერიმეტრზე არსებული მეტალო პლასტმასის კარ-ფანჯრის განმენდა; • კარ-ფანჯრების შუშების, ჟალუზების, განათებისა და სარკეების რეცხვა-დასუფთავება; • კარების ვერტიკალური ზედაპირების, კიბეების რეცხვა; • იატაკებისა და ავეჯის ქიმშენდა, სპეც. დამუშავება; • ლაქების ამოყვანა ნოხებიდან და ქვის საფარისაგან; • ნაგვის ყუთების რეცხვა - დეზინფექცია;	თვეში ერთხელ	შენობის ფართის მდგომარეობიდან გამომდინარე და გეგმის მიხედვით	სპეციალური

4	•შენობის ცენტრალური კიბის უჯრედის 185 მ/კვ- ის და ცენტრალურ შესასვლელთან არსებული კიბეების და ქვის საფარის დასუფთავება. •არსებული ურნებიდან ნაგვის გადაყრა დანიშნულ ადგილზე; •ზედაპირების სპეციალური დამუშავება (პოლირება, ლაქების ამოყვანა, რეცხვა); •მტვერსასრუტით და მოფედით იატაკის დასუფთავება; •შენობის ცენტრალური კიბის უჯრედში არსებული უჯრედის დასუფთავება.	დღეში ერთხელ არასამუშაო საათების დროს	შენობის ცენტრალური კიბის უჯრედი და ცენტრალურ შესასვლელთან არსებული კიბეების და ქვის საფარი (მოედანი)	რეგულარული
5	•შენობის სათადარიგო კიბის უჯრედის და სარდაფის კორიდორის 358.88.მ/კვ-ის დასუფთავება. •არსებული ურნებიდან ნაგვის გადაყრა დანიშნულ ადგილზე; •ზედაპირების სპეციალური დამუშავება (პოლირება, ლაქების ამოყვანა, რეცხვა); •მტვერსასრუტით და მოფედით იატაკის დასუფთავება; •შენობის სათადარიგო კიბის უჯრედში არსებული შუშების დასუფთავება.	დღეში ერთხელ არასამუშაო საათების დროს	შენობის სათადარიგო კიბის უჯრედი და სარდაფის კორიდორი	რეგულარული
6	•შენობის ფასადის, მათ შორის: 1 302.04 მ/კვ-ის ნაწილობრივ შუშების და 402.06 მ/კვ-ის ხის ფაქტურის ფუნდენმაქსის დასუფთავება.	თვეში ერთხელ	შენობის მდგომარეობიდან გამომდინარე და გეგმის მიხედვით	სპეციალური
7	•შენობის სარდაფის ფართი 717.33 მ/კვ-ის დასუფთავება. •არსებული ურნებიდან ნაგვის გადაყრა დანიშნულ ადგილზე; •ზედაპირების სპეციალური დამუშავება (პოლირება, ლაქების ამოყვანა, რეცხვა); •საპირფარეშო ოთახებში არსებული ინვენტარის რეცხვა-დებიზინფექცია, დისპანსერების გამართული მუშაობის უზრუნველყოფა, ქაღალდითა და საპნით ავსება, ჰაერის წამახალისებელის გაშვება; •მტვერსასრუტით და მოფედით იატაკის დასუფთავება; •აივნების იატაკის დასუფთავება.	კვირაში ერთხელ. (საპირფარეშოები: დღეში ერთხელ არასამუშაო საათების დროს)	შენობის სარდაფის ფართი	სპეციალური
8	4280 მ/კვ ეზოს, მათ შორის: 1260 მ/კვ-ის მწვანე საფარის (ბალახი) და 135 გრძივი მეტრი მარადმწვანე ბუჩქების მოვლა-დასუფთავება (გაკრეჭვა, მორწყვა), ამასთან მომსახურება უნდა მოიცავდეს ეზოში განთავსებული სანათების, ეზოს გამყოფი სვეტებისა და მათში ჩამონტაჟებული სანათების, ურნების, სკამების, წყლის შადრევნის, შენობის პერიმეტრზე არსებული სარინგლის, პანდუსისა და ტერასების დასუფთავებას.	თვეში ორჯერ	ეზოს ფართი	სპეციალური

შენიშვნა: მიზანშეწონილია პრეტენდენტები მომსახურების გასაწევ ობიექტს გაეცნონ ადგილზე.

ტენდერში გამარჯვებულმა მიმწოდებელმა უნდა უზრუნველყოს მითითებულ სართულებზე არსებული ფართის კომბინირებული მოვლა-დასუფთავება აუცილებელი ესთეტიკური, თანამედროვე ხელსაწყოების გამოყენებით (მოპები, იატაკის სახეხი-სასრუტი კომბაინები, მტვერსასრუტები და სხვა) და შენობის ვიზუალური მხარის შენარჩუნება მაქსიმალური პერიოდის მანძილზე.

ტენდერში გამარჯვებულმა მიმწოდებელმა უნდა უზრუნველყოს მითითებულ სართულებზე არსებული საპირფარეშო ოთახებში (სულ 17) ხელსახოცი ქაღალდის დასაკიდი ელექტრონული მოწყობილობების, ასევე თხევადი საპნის, ტუალეტის ქაღალდის მოწყობილობების მოწოდება და მათი მონტაჟი. ასევე, სამზარეულო ოთახებში ხელსახოცი ქაღალდის დასაკიდი ელექტრონული მოწყობილობების მოწოდება და მათი მონტაჟი.

პრეტენდენტის სატენდერო წინადადების ფასი წარმოდგენილი უნდა იყოს მომსახურების განვებისას გამოსაყენებელი ყველა სახარჯი მასალის ღირებულების ჩათვლით (ნაგვის პარკები, სარეცხ-სახეხი და გასაპრიალებელი ხსნარები, ხელის საშრობი ქაღალდები შესაბამისი დისპენსერებით, ტუალეტის ქაღალდი შესაბამისი დისპენსერებით, თხევადი საპონი, ჰაერის წამახალისებლები და სხვა). მომსახურების განვებისას გამოსაყენებელი ყველა სახარჯი მასალა უნდა იყოს მაღალი ხარისხის, ეკოლოგიურად სუფთა, რაზედაც წარმოდგენილი უნდა იყოს შესაბამისი ხარისხის დამადასურებელი დოკუმენტები.

- პრეტენდენტის მიერ მოსაწოდებელი ხელის საშრობი ქაღალდი უნდა აკმაყოფილებდეს შემდეგ მინიმალურ მოთხოვნებს: სიგრძე 175 ± 8 მეტრი, სიგანე 25 სმ, წონა 2,1 კგ, ორ ფენიანი, უმაღლესი ხარისხის;
- პრეტენდენტის მიერ მოსაწოდებელი ტუალეტის ქაღალდი უნდა აკმაყოფილებდეს შემდეგ მინიმალურ მოთხოვნებს: სიგრძე 160 მეტრი, სიგანე 10 სმ, 2 ფენიანი, უმაღლესი ხარისხის;
- პრეტენდენტის მიერ მოსაწოდებელი თხევადი საპონი უნდა აკმაყოფილებდეს შემდეგ მინიმალურ მოთხოვნებს: უმაღლესი ხარისხის, ცივ და ცხელ წყალში აქაფების შესაძლებლობა, PH 5-6, არ უნდა შეიცავდეს კანის გამაღიზიანებელ და ალერგიის გამომწვევ ნივთიერებებს;

ტენდერში გამარჯვებული მიმწოდებლის მიერ დაქირავებული ტექნიკური პერსონალი აღჭურვილი უნდა იყოს ერთი სტილის ახალი უნიფორმით და მომსახურების განვებისას გამოსაყენებელი ყველა ინდივიდუალური სარეცხი ინვენტარით.

ტენდერში გამარჯვებულმა მიმწოდებელმა უნდა უზრუნველყოს თითოეულ სართულზე არანაკლებ 1 დამლაგებელის მორიგეობა ყოველ სამუშაო დღეს, მთელი სამუშაო საათების განმავლობაში, ხოლო საჭიროების შემთხვევაში, თავისი შეხედულებისამებრ სართულებზე დამლაგებლების დამატება, რათა სრულყოფილად და ხარისხიანად იქნას შესრულებული ცხრილში მოცემული გასაწევი მომსახურება. ტენდერში გამარჯვებული ორგანიზაცია პასუხისმგებელი უნდა იყოს, მის მიერ დაქირავებული ტექნიკური პერსონალის მიერ მომსახურების განვებისას განზრახ ან გაუფრთხილებლობით გამოწვეული ზიანის ანაზღაურებაზე.

2.5. შესყიდვის ობიექტის საერთო სავარაუდო ჯამური ღირებულება, საქართველოს კანონმდებლობით გათვალისწინებული ყველა სახის გადასახადის გათვალისწინებით, შეადგენს 78 000 (სამოცდათვრამეტიათასი) ლარს, აქედან:

1. სსიპ საგანმანათლებლო და სამეცნიერო ინფრასტრუქტურის განვითარების სააგენტოს საერთო სავარაუდო ღირებულება შეადგენს 14 748.19 ლარს (თოთხმეტიათას შვიდასორმოცდარვა ლარი და ცხრამეტი თეთრი).
2. სსიპ საგანმანათლებლო დაწესებულების მანდატურის სამსახურის საერთო სავარაუდო ღირებულება შეადგენს 15 192.95 ლარს (თხუთმეტიათას ასოთხმოცდათორმეტი ლარი და ოთხმოცდათხუთმეტი თეთრი).
3. სსიპ განათლების ხარისხის განვითარების ეროვნული ცენტრის საერთო სავარაუდო ღირებულება შეადგენს 29 254.76 ლარს (ოცდაცხრაათას ორასორმოცდათოთხმეტი ლარი და სამოცდათექვსმეტი

თეთრი).

4. სსიპ შოთა რუსთაველის ეროვნული სამეცნიერო ფონდის საერთო საგარეუდო ღირებულება შეადგენს 18 804.10 ლარს (თვრამეტიათას რვაასოთხი ლარი და ათი თეთრი).

2.6. მიწოდების პირობები და ვადები:

2.6.1. მომსახურება უნდა განხორციელდეს ხელშეკრულების გაფორმებიდან 2016 წლის 31 დეკემბრის ჩათვლით.

2.7. პრეტენდენტის მიერ ერთიან ელექტრონულ სისტემაში ასატვირთი მონაცემები:

ა) რეკვიზიტები, დანართი N2-ის მიხედვით.

ბ) მომსახურების ხარჯთაღრიცხვა დანართი N3-ის მიხედვით.

გ) ინფორმაცია მომსახურების განვებისას გამოსაყენებელი სახარჯი მასალებისა და პრეპარატების ხარისხობრივი მახასიათებლების შესახებ (მწარმოებელი, დასახელება, შესაბამისი ხარისხის დამადასურებელი დოკუმენტები და ა.შ) დანართი N4-ს მიხედვით.

დ) ინფორმაცია 2014 და 2015 წლებში ანალოგიური მომსახურების გამოცდილების შესახებ (მათ შორის, სახელმწიფო ორგანიზაციებთან თანამშრომლობის გამოცდილება, წარმოდგენილი უნდა იქნეს ხელშეკრულებები და მიღება-ჩაბარების აქტები ან/და სახელმწიფო შესყიდვის ერთიანი ელექტრონული სისტემის მონაცემები, კერძოდ: SPA და CMR ნომრები); მიმწოდებელმა უნდა წარმოადგინოს მინიმუმ ორი სარეკომენდაციო წერილი, მათ შორის არანაკლებ ერთი - სახელმწიფო ორგანიზაციიდან.

შენიშვნა:

- სახელმწიფო შესყიდვების ერთიან ელექტრონულ სისტემაში სატენდერო წინადადების წარდგენით, პრეტენდენტი ავტომატურად ეთანხმება სატენდერო დოკუმენტაციის ყველა პირობას.
- თუ წინამდებარე ტენდერში გამარჯვებულ პრეტენდენტთან სახელმწიფო შესყიდვის ხელშეკრულების გაფორმება ვერ მოხერხდა 2016 წლის 1 იანვრიდან, მომსახურების პირველი თვის ანაზღაურება განხორციელდება თვის მომსახურების ღირებულების პროპორციულად დღეების მიხედვით;
- იმ შემთხვევაში, თუ ტენდერში ყველაზე დაბალი ფასის წინადადების მქონე პრეტენდენტის მიერ სისტემაში დაფიქსირებული საბოლოო ფასი 20%-ით ან მეტი დაბალია შესყიდვის ობიექტის საგარეუდო ღირებულებაზე, შემსყიდველი ორგანიზაცია პრეტენდენტისაგან ითხოვს ფასწარმოქმნის ადეკვატურობის დასაბუთებას. ფასწარმოქმნის ადეკვატურობა, შესაძლებელია დასაბუთდეს ექსპერტიზის დასკვნით, შესყიდვის ობიექტის მიწოდებასთან დაკავშირებით პრეტენდენტის მიერ გაფორმებული ხელშეკრულებით ან ანგარიშთაქტურით (ინვოისით), რომელიც ადასტურებს პრეტენდენტის მიერ დაფიქსირებულ ფასად ხელშეკრულებით ნაკისრი ვალდებულებების შესრულების შესაძლებლობას. ფასწარმოქმნის ადეკვატურობის დასაბუთებაზე ვრცელდება სახელმწიფო შესყიდვების სააგენტოს თავმჯდომარის 2011 წლის 7 აპრილის №9 ბრძანებით დამტკიცებული „გამარტივებული ელექტრონული ტენდერისა და ელექტრონული ტენდერის ჩატარების წესის“ მე-12 მუხლის მე-11-მე-14 პუნქტებით განსაზღვრული წესები.

3. სახელმწიფო შესყიდვის შესახებ ხელშეკრულების პროექტი

ხელშეკრულების პირობების საბოლოო ვარიანტი შეიძლება დაზუსტდეს და დაიხვეწოს ტენდერში გამარჯვებულ პრეტენდენტთან ხელშეკრულების გაფორმების პროცესში.

ხელშეკრულება სახელმწიფო შესყიდვის შესახებ

ქ. თბილისი

—————2016 წელი

ერთის მხრივ, სსიპ „შოთა რუსთაველის ეროვნული სამეცნიერო ფონდი“, წარმოდგენილი ----- სახით, სსიპ „სსიპ საგანმანათლებლო დაწესებულების მანდატურის სამსახური“, წარმოდგენილი ---- სახით, „სსიპ – განათლების ხარისხის განვითარების ეროვნული ცენტრი“, წარმოდგენილი ----- სახით და სსიპ – „საგანმანათლებლო და სამეცნიერო ინფრასტრუქტურის განვითარების სააგენტო“, წარმოდგენილი ----- სახით (შემდგომში „შემსყიდველი“) და მეორეს მხრივ ----- სახით (შემდგომში „მიმწოდებელი“), შორის და მიღწეულ იქნა ურთიერთშეთანხმება შემდეგზე:

სსიპ „—————“ 2016 წლის სახელმწიფო ბიუჯეტის დაფინანსების ფარგლებში, ხოლო სსიპ განათლების ხარისხის განვითარების ეროვნულმა ცენტრმა საკუთარი შემოსავლების ფარგლებში ჩაატარა ერთობლივი გამარტივებული ელექტრონული ტენდერი. (სატენდერო განცხადების -----)

ქ. თბილისში, ალექსიძის ქ. N1-ში მდებარე შენობა-ნაგებობა N1-ს (5 სართულიანი შენობა და ეზო) დასუფთავების მომსახურების (CPV კოდი 90900000, 90911300, 90919200) სახელმწიფო შესყიდვაზე, რომელშიც გამარჯვებულად მიჩნეულ იქნა მიმწოდებლის სატენდერო წინადადება, რომლის თანახმად მიმწოდებელმა აიღო ვალდებულება გაუწიოს შემსყიდველს ტექნიკურ დოკუმენტაციაში მითითებული მომსახურება შემდეგ თანხაზე: ----- (-----) ლარი, ყველა გადასახადის ჩათვლით. (შემდგომში „ხელშეკრულების ღირებულება“).

მუხლი 1. ტერმინთა განმარტებები

- 1.1. ხელშეკრულება - წინამდებარე სახელმწიფო შესყიდვის შესახებ ხელშეკრულება, რომელიც ხელმოწერილია მხარეთა მიერ, მასზე თანდართული ყველა დოკუმენტითურთ.
- 1.2. შემსყიდველი - ორგანიზაცია, რომელიც ახორციელებს შესყიდვას.
- 1.3. მიმწოდებელი - პირი, რომელიც ახორციელებს მომსახურებას ხელშეკრულების ფარგლებში.
- 1.4. ხელშეკრულების ღირებულება - საერთო თანხა, რომელიც უნდა გადაიხადოს შემსყიდველმა მიმწოდებლის მიერ ხელშეკრულებით ნაკისრი ვალდებულებების სრული და ჭეროვანი შესრულებისათვის.
- 1.5. დღე, კვირა, თვე - კალენდარული დღე, კვირა, თვე.
- 1.6. ფორსმაჟორი - მოცემულ შემთხვევაში აუცილებელი დაუძლეველი ძალა, რომელიც დგება მხარეთა ნებისგან დამოუკიდებლად და ატარებს წინასწარ გაუთვალისწინებელ ხასიათს, კერძოდ, მიწისძვრა, წყალდიდობა, ხანძარი, ომი, რევოლუცია, აჯანყება, იმპორტისა და ექსპორტის აკრძალვა, აგრეთვე სხვა გარემოება, რომელიც შეუძლებელს ხდის ხელშეკრულებით ნაკისრი ვალდებულებების შესრულებას ან იწვევს არათანაზომიერად დიდ ხარჯებს მათ შესასრულებლად.

მუხლი 2. შესყიდვის ობიექტი

- 2.1 ხელშეკრულების შესყიდვის ობიექტი განისაზღვრება სატენდერო დოკუმენტაციაში მოცემული ტექნიკური დავალების შესაბამისად, რომელიც შემდგომში თან დაერთვის ხელშეკრულებას და წარმოადგენს მის განუყოფელ ნაწილს.

მუხლი 3. ხელშეკრულების შესრულების კონტროლი

3.1 შემსყიდველს ან მის წარმომადგენლებს უფლება აქვთ ხელშეკრულების შესრულების ნებისმიერ ეტაპზე განახორციელოს კონტროლი მიმწოდებლის მიერ ნაკისრი ვალდებულებების შესრულებაზე და განახორციელოს მომსახურების ხარისხის პერიოდული ინსპექტირება.

3.2 მიმწოდებელი ვალდებულია საკუთარი რესურსებით უზრუნველყოს შემსყიდველი კონტროლის (ინსპექტირების) ჩატარებისათვის აუცილებელი პერსონალით, ტექნიკური საშუალებებით და სხვა სამუშაო პირობებით. იმ შემთხვევაში, თუ შემსყიდველი კონტროლის (ინსპექტირების) მიზნით გამოიყენებს საკუთარ ან მოწვეულ პერსონალს, მის შრომის ანაზღაურებას უზრუნველყოფს თვით შემსყიდველი.

3.3 მიმწოდებელი ვალდებულია საკუთარი ხარჯებით უზრუნველყოს კონტროლის (ინსპექტირების) შედეგად გამოვლენილი ყველა დეფექტის ან ნაკლის აღმოფხვრა.

3.4 ამ მუხლის არც ერთი პუნქტი არ ათავისუფლებს მიმწოდებელს მოცემული ხელშეკრულების სხვა ვალდებულებებისაგან.

3.5 მიმწოდებლის მიერ ხელშეკრულებით ნაკისრი ვალდებულებების შესრულების კონტროლს შემსყიდველის მხრიდან განახორციელებენ: სსიპ „შოთა რუსთაველის ეროვნული სამეცნიერო ფონდი“-ს ადმინისტრაციული და სამართლებრივი უზრუნველყოფის დეპარტამენტის მთავარი სპეციალისტი, სსიპ „საგანმანათლებლო დაწესებულების მანდატურის სამსახური“-ს საფინანსო სამმართველოს კოორდინატორი, სსიპ „განათლების ხარისხის განვითარების ეროვნული ცენტრი“-ს მატერიალური რესურსების სამმართველოს უფროსი ან ამავე სამმართველოს სპეციალისტი და სსიპ „საგანმანათლებლო და სამეცნიერო ინფრასტრუქტურის განვითარების სააგენტო“-ს საფინანსო-სამეურნეო სამსახურის მენეჯერი.

მუხლი 4. მომსახურების განვადის პირობები

მომსახურების განვად განხორციელდება შემსყიდველის დავალების შესაბამისად, 2016 წლის -----დან, 2016 წლის 31 დეკემბრის ჩათვლით.

მუხლი 5. შესყიდვის ობიექტის მიღება-ჩაბარების წესი

5.1 შესყიდვის ობიექტის მიღება-ჩაბარება განხორციელდება ეტაპობრივად, შემსყიდველისა და მიმწოდებლის უფლებამოსილი წარმომადგენლების მიერ მიღება-ჩაბარების აქტის გაფორმებით (შემსყიდველის მხრიდან მიღება-ჩაბარების აქტების გაფორმებაზე უფლებამოსილ პირ(ებ)ს წარმომადგენელს წინამდებარე ხელშეკრულების მე-3 მუხლის 3.5 პუნქტში მითითებული პირ(ებ)ი).

5.2 მიღება-ჩაბარების აქტის გაფორმებასთან ერთად, მიმწოდებელი ვალდებულია წარმოუდგინოს შემსყიდველს საქართველოს კანონმდებლობით გათვალისწინებული შესაბამისი საფინანსო დოკუმენტაცია.

მუხლი 6. ანგარიშსწორება

6.1 ანგარიშსწორებას თითოეული შემსყიდველი ორგანიზაცია განახორციელებს, სატენდერო წინადადების საერთო ფასის მიხედვით, დანართ N3-ში მოცემული ხარჯთაღრიცხვის შესაბამისად.

6.2 ანგარიშსწორების ფორმა – უნაღდო.

მუხლი 7. ფასები

7.1 შესყიდვის ობიექტის ფასი განისაზღვრება ლარებში.

7.2 შესყიდვის ობიექტის საერთო ღირებულება შეადგენს ----(-----) ლარს.

7.3 ხელშეკრულების ღირებულებითი პარამეტრების შეცვლა დაუშვებელია, თუ ამ ცვლილებების შედეგად იზრდება ჯამური ღირებულება ან უარესდება ხელშეკრულების პირობები შემსყიდველი ორგანიზაციისათვის, გარდა საქართველოს სამოქალაქო კოდექსის 398-ე მუხლით დადგენილი შემთხვევებისა.

7.4 საქართველოს სამოქალაქო კოდექსის 398-ე მუხლით გათვალისწინებული პირობების დადგომის შემთხვევაში, დაუშვებელია სახელმწიფო შესყიდვის შესახებ ხელშეკრულების ჯამური ღირებულების 10%-ზე მეტი ოდენობის გაზრდა.

მუხლი 8. ხელშეკრულებაში ცვლილებების შეტანა

8.1 არავითარი გადახრა ან ცვლილება ხელშეკრულების პირობებში არ დაიშვება ორივე მხრის მიერ ხელმოწერილი წერილობითი შესწორებების გარდა.

8.2 თუ რაიმე წინასწარ გათვალისწინებული მიზეზების გამო წარმოიშობა ხელშეკრულების პირობების შეცვლის აუცილებლობა, ცვლილებების შეტანის ინიციატორი ვალდებულია წერილობით შეატყობინოს მეორე მხარეს შესაბამისი ინფორმაცია.

8.3 ნებისმიერი ცვლილება, რომელსაც მოჰყვება ხელშეკრულების ფასის გაზრდა ან შემსყიდველისათვის პირობების გაუარესება, დაუშვებელია გარდა საქართველოს სამოქალაქო კოდექსის 398-ე მუხლით გათვალისწინებული შემთხვევებისა „სახელმწიფო შესყიდვების შესახებ“ საქართველოს კანონის და ამ დებულების მოთხოვნათა გათვალისწინებით.

8.4 ხელშეკრულების პირობების ნებისმიერი ცვლილება უნდა გაფორმდეს ხელშეკრულების დანართის სახით, რომელიც ჩაითვლება ხელშეკრულების განუყოფელ ნაწილად.

მუხლი 9. უფლებების გადაცემა

9.1 მიმწოდებელმა შემსყიდველის წინასწარი წერილობითი თანხმობის გარეშე, არც მთლიანად და არც ნაწილობრივ არ უნდა გადასცეს მოცემული ხელშეკრულებით არსებული თავისი ვალდებულებები მესამე პირს.

მუხლი 10. სუბკონტრაქტორები

10.1 ხელშეკრულების გაფორმების შემდგომ მიმწოდებელმა წერილობით უნდა აცნობოს შემსყიდველს სუბ-კონტრაქტორ(ებ)ის აყვანის ან შეცვლის შესახებ (სუბ-კონტრაქტორის აყვანის აუცილებლობის მიზეზების დასაბუთებით). სუბ-კონტრაქტორ(ებ)ის დასაშვებობის საკითხს წყვეტს შემსყიდველი და მიმწოდებელი ერთობლივი მოლაპარაკების საფუძველზე, რომელიც გაფორმდება წერილობითი ფორმით წინადადარე ხელშეკრულების დამატების სახით.

10.2 ამ ხელშეკრულების ფარგლებში დადებული ყველა სუბკონტრაქტის ასლი უნდა წარედგინოს შემსყიდველს.

10.3 ამ ხელშეკრულების ფარგლებში დადებული არც ერთი სუბკონტრაქტი არ ათავისუფლებს მიმწოდებელს ხელშეკრულებით ნაკისრი ვალდებულებებისაგან.

მუხლი 11. გარანტია

11.1 მიმწოდებელი ვალდებულია შეტყობინების მიღებისთანავე განახორციელოს უხარისხოდ შესრულებული მომსახურების ან მისი ნაწილის გამოსწორება შემსყიდველის მხრიდან რაიმე დამატებითი დანახარჯების გაწევის გარეშე.

11.2 მიმწოდებლის მიერ ამ ვალდებულების შეუსრულებლობის შემთხვევაში შემსყიდველს უფლება აქვს თვითონ მიიღოს ზომები წარმოქმნილი დეფექტების გამოსწორებისათვის და მოსთხოვოს მიმწოდებელს შესაბამისი ხარჯების ანაზღაურება ან გამოქვითოს ეს თანხა ხელშეკრულების მიხედვით მიმწოდებლისათვის გადასახდელი თანხიდან.

მუხლი 12. ხელშეკრულების პირობების შეუსრულებლობა

12.1 ფორს-მაჟორული პირობების გარდა, მიმწოდებლის მიერ ხელშეკრულების პირობების შეუსრულებლობისა ან/და დაგვიანებით შესრულების შემთხვევაში გამოიყენება საჭარიმო სანქციები.

12.2 ხელშეკრულებით ნაკისრი ვალდებულებების შეუსრულებლობის ან შესრულების ვადის

გადაცილებისათვის მიმწოდებელს დაეკისრება პირგასამტეხლოს გადახდა, – ყოველ გადაგადაცილებულ დღეზე ხელშეკრულების ღირებულების 0.1%-ის ოდენობით, ხოლო, თუკი ადგილი აქვს ვალდებულების ნაწილის შეუსრულებლობას, პირგასამტეხლო შეადგენს ვალდებულების შეუსრულებელი ნაწილის 0.1 %-ს.

12.3 საჯარიმო სანქციების გადახდა არ ათავისუფლებს მიმწოდებელს ძირითადი ვალდებულებების შესრულებისაგან.

12.4 იმ შემთხვევაში, თუ ვადების გადაცდენისათვის დაკისრებული პირგასამტეხლოს ჯამური თანხა გადაატარებს ხელშეკრულების ღირებულების 3%-ს, შემსყიდველს უფლება აქვს ცალმხრივად შეწყვიტოს ხელშეკრულება.

13. ხელშეკრულების შეწყვეტა მისი პირობების შეუსრულებლობის გამო

13.1 მიმწოდებლის მიერ ხელშეკრულების პირობების შეუსრულებლობის შემთხვევაში შესყიდველს შეუძლია მიიღოს გადანყვეტილება ხელშეკრულების სრული ან მისი ცალკეული პირობის მოქმედების შეწყვეტის შესახებ.

13.2 ხელშეკრულების ცალკეული პირობების მოქმედების შეწყვეტა არ ათავისუფლებს მხარეებს დანარჩენი ვალდებულებების შესრულებისაგან.

13.3 ხელშეკრულების შეწყვეტა პირობების დარღვევის გამო არ ათავისუფლებს მიმწოდებელს ხელშეკრულების შეუსრულებლობისათვის გათვალისწინებული პასუხისმგებლობისაგან.

13.4 შემსყიდველს შეუძლია მიიღოს გადანყვეტილება ხელშეკრულების შეწყვეტის შესახებ აგრეთვე:

ა) თუ შემსყიდველისათვის ცნობილი გახდა, რომ მისგან დამოუკიდებელი მიზეზების გამო იგი ვერ უზრუნველყოფს ხელშეკრულებით ნაკისრი ვალდებულებების შესრულებას;

ბ) მიმწოდებლის გაკოტრების შემთხვევაში;

გ) თუ მისთვის ცნობილი გახდება, რომ მიმწოდებლის საკვალიფიკაციო მონაცემების დამადასურებელი დოკუმენტები ყალბი აღმოჩნდება;

დ) საქართველოს კანონმდებლობით გათვალისწინებულ სხვა შემთხვევებში.

13.5 ამ მუხლის მე-13.4 პუნქტში მითითებულ შემთხვევებში შემსყიდველი ვალდებულია აუნაზღაუროს მიმწოდებელს ფაქტიურად გაწეული მომსახურების ღირებულება.

13.6 შემსყიდველი უფლებამოსილია მთლიანად ან ნაწილობრივ ცალმხრივად შეწყვიტოს ხელშეკრულება, თუკი მიმწოდებლის მხრიდან შესყიდვის ობიექტის მიწოდების ვადების დარღვევის პერიოდი აღემატება 10 კალენდარულ დღეს.

მუხლი 14. ფორს-მაჟორი

14.1 ხელშეკრულების დამდები რომელიმე მხარის მიერ ხელშეკრულების პირობების შეუსრულებლობა არ გამოიწვევს საჯარიმო სანქციების გამოყენებას, თუ ხელშეკრულების შესრულების შეფერხება ან მისი ვალდებულებების შეუსრულებლობა არის ფორს-მაჟორული გარემოების შედეგი.

14.2 ამ მუხლის მიზნებისათვის „ფორს-მაჟორი“ ნიშნავს მხარეებისათვის გადაულახავ და მათი კონტროლისაგან დამოუკიდებელ გარემოებებს, რომლებიც არ არიან დაკავშირებული შემსყიდველისა და/ან მიმწოდებლის შეცდომებსა და დაუდევრობასთან და რომლებსაც გააჩნია წინასწარ გაუთვალისწინებელი ხასიათი. ასეთი გარემოება შეიძლება გამოწვეული იქნას ომით, სტიქიური მოვლენებით, ეპიდემიით, კარანტინით და საქონლის მიწოდებაზე ემბარგოს დაწესებით, საბიუჯეტო ასიგნებების მკვეთრი შემცირებით და სხვა.

14.3 ფორს-მაჟორული გარემოებების დადგომის შემთხვევაში ხელშეკრულების დამდებმა მხარემ, რომლისთვისაც შეუძლებელი ხდება ნაკისრი ვალდებულებების შესრულება, დაუყოვნებლივ უნდა გაუგზავნოს მეორე მხარეს წერილობითი შეტყობინება ასეთი გარემოებების და მათი გამომწვევი მიზეზების შესახებ. თუ შეტყობინების გამგზავნი მხარე არ მიიღებს მეორე მხარისაგან წერილობით პასუხს, იგი თავისი შეხედულებისამებრ, მიზანშეწონილობისა და შესაძლებლობისა და მიხედვით აგრძელებს ხელშეკრულებით ნაკისრი ვალდებულებების შესრულებას და ცდილობს გამონახოს ვალდებულებების

შესრულების ისეთი ალტერნატიული ხერხები, რომლებიც დამოუკიდებელი იქნებიან ფორს-მაჟორული გარემოებების ზეგავლენისაგან.

მუხლი 15. სადაო საკითხების გადაწყვეტა

15.1 შემსყიდველმა და მიმწოდებელმა ყველა ღონე უნდა იხმაროს, რათა პირდაპირი ოფიციალური მოლაპარაკებების პროცესში შეთანხმებით მოაგვარონ ყველა უთანხმოება და დავა, წარმოქმნილი მათ შორის ხელშეკრულების ან მასთან დაკავშირებული სხვა კომპონენტის ირგვლივ.

15.2 თუ ასეთი მოლაპარაკებების დაწყებიდან 30 (ოცდაათი) დღის განმავლობაში შემსყიდველი და მიმწოდებელი ვერ შეძლებენ სადაო საკითხის შეთანხმებით მოგვარებას, ნებისმიერ მხრეს დავის გადაწყვეტის მიზნით შეუძლია დადგენილი წესის და მიხედვით მიმართოს საქართველოს სასამართლოს.

მუხლი 16. გამოყენებული სამართალი

ხელშეკრულება დადებულია საქართველოს კანონმდებლობის შესაბამისად და ინტერპრეტირებული იქნება საქართველოს კანონმდებლობის მიხედვით.

მუხლი 17. ხელშეკრულების ენა

ხელშეკრულება შედგენილია ქართულ ენაზე, ხუთ ეგზემპლარად, თითოეულ მათგანს გააჩნია თანაბარი იურიდიული ძალა. იმ შემთხვევაში, თუ ხელშეკრულების მეორე მხარე არის უცხო ქვეყნის წარმომადგენელი, მაშინ მეორე ეგზემპლარი ითარგმნება მიმწოდებლისათვის მისაღებ ენაზე. ინტერპრეტაციისას უპირატესობა მიენიჭება ქართულ ენაზე შედგენილ ხელშეკრულებას. ხელშეკრულებასთან დაკავშირებული მთელი წერილობითი მოლაპარაკებები და სხვა დოკუმენტაცია, რომელიც გაცვლება მხარეთა შორის, უნდა შეესაბამებოდეს აღნიშნულ პირობებს.

მუხლი 18. შეტყობინება

18.1 ნებისმიერი შეტყობინება, რომელსაც ერთი მხარე, ხელშეკრულების შესაბამისად, უგზავნის მეორე მხარეს, გაიგზავნება წერილის, ელ. ფოსტის, დეპეშის, ტელექსის ან ფაქსის სახით, ხელშეკრულებაში მითითებული მეორე მხარის მისამართზე.

18.2 შეტყობინება შედის ძალაში ადრესატის მიერ მისი მიღების დღეს ან შეტყობინების ძალაში შესვლის დადგენილ დღეს, იმის მიხედვით, თუ ამ თარიღებიდან რომელი უფრო გვიან დგება.

მუხლი 19. გადასახადები და დაბეგვრა

19.1 უცხოელი მიმწოდებელი პასუხს აგებს მომსახურების განწევასთან დაკავშირებული ყველა იმ გადასახადის, მოსაკრებლების და სხვა გადასახდელების გადახდაზე, რომლებიც გადასახდელია საქართველოს ფარგლებში და მის გარეთ.

19.2 ადგილობრივი მიმწოდებელი პასუხს აგებს საქართველოს კანონმდებლობით დადგენილი გადასახადების, მოსაკრებლების და სხვა გადასახდელების გადახდაზე, თუ ხელშეკრულების პირობებით სხვა რამ არ არის გათვალისწინებული.

მუხლი 20. ხელშეკრულების მოქმედების ვადა

წინამდებარე ხელშეკრულება ძალაშია ხელშეკრულების ხელმოწერიდან 2017 წლის 31 იანვრის ჩათვლით.

მუხლი 21. სხვა პირობები

21.1 არც ერთ მხარეს არა აქვს უფლება გადასცეს მესამე პირს თავისი უფლებები და მოვალეობები, მეორე მხარის წერილობითი თანხმობის გარეშე.

21.2 მესამე პირთან ურთიერთობაში მხარეები მოქმედებენ თავიანთი სახელით, ხარჯებითა და რისკით.

21.3 ხელშეკრულება შედგენილია ქართულ ენაზე, ხუთ ეგზემპლარად, რომელთაგან თითოეულს აქვს თანაბარი იურიდიული ძალა და ინახება ხელმომწერ მხარეებთან (ერთი პირი მიმწოდებელთან და ოთხი პირი შემსყიდველთან). ხელშეკრულებასთან დაკავშირებული ნებისმიერი მიმოწერა შესრულებული უნდა იყოს ქართულ ენაზე.

21.4 გამარჯვებული პრეტენდენტის მიერ წარმოდგენილი სატენდერო წინადადება და დანართები თან ერთვის ხელშეკრულებას და წარმოადგენს მის განუყოფელ ნაწილს.

21.5 წინამდებარე ხელშეკრულების ნებისმიერი ცვლილება ან დამატება ძალაშია მხოლოდ მას შემდეგ, რაც ის წერილობითი ფორმითაა შედგენილი და ხელმოწერილია მხარეთა მიერ.

შემსყიდველი:

მიმწოდებელი:

4. დამატებითი ინფორმაცია:

4.1 სატენდერო დოკუმენტაციასთან დაკავშირებული განმარტებების მიღება პრეტენდენტს შეუძლია სატენდერო კომისიის აპარატში, ქ. თბილისი, მ. ალექსიძის ქ. N1, პირველი სართული. საკონტაქტო პირი: ზურაბ მარკოზაშვილი, ტელ: 577 14 78 87.

აფიდავიტი**სატენდერო წინადადების დამოუკიდებლად განსაზღვრის თაობაზე**

გამოცხადებულ ტენდერში მონაწილეობის მიღების მიზნით, ვადასტურებ, რომ ჩემს მიერ წარმოდგენილი სატენდერო წინადადება შენუშავებულია კონკურენტისგან დამოუკიდებლად, ასევე ვადასტურებ, რომ:

* ჩემთვის ცნობილია, რომ სატენდერო წინადადება დისკვალიფიცირებულ იქნება, თუ აღმოჩნდა, რომ აფიდავიტში მოცემული ინფორმაცია არის ყალბი ან/და ცრუ;

* უფლებამოსილი ვარ პრეტენდენტის მიერ, ხელი მოეწერა ამ აფიდავიტს და წარედგინო ეს სატენდერო წინადადება;

* ნებისმიერ პირი, რომლის ხელმოწერაც დაფიქსირებულია სატენდერო წინადადებაზე, შესაბამისად უფლებამოსილია პრეტენდენტის მიერ;

* ჩემთვის ცნობილია რომ ტერმინი "კონკურენტი" აფიდავიტის მიზნებიდან გამომდინარე, გულისხმობს ნებისმიერ პირს, რომელიც შესაძლებელია იყოს პრეტენდენტი ან/და წარადგინოს სატენდერო წინადადება ამ ტენდერში;

* მატერიალური გამორჩენის ან უპირატესობის მიღების მიზნით პრეტენდენტსა და კონკურენტს შორის არ წარმოებულა კონსულტაცია, კომუნიკაცია, შეთანხმება ან მოლაპარაკება შემდეგ საკითხებთან დაკავშირებით:

- სატენდერო წინადადების ფასი;
- სატენდერო წინადადების ფასის გამოთვლის მეთოდი, კოეფიციენტი ან ფორმულა;
- სატენდერო წინადადების წარდგენა ან წარდგენისგან თავის შეკავება;
- ისეთი სატენდერო წინადადების განზრახ წარდგენა, რომელიც არ აკმაყოფილებს გამოცხადებული ტენდერის პირობებს;
- შესყიდვის ობიექტის ხარისხი, მოცულობა, ტექნიკური პირობები ან მინოდების დეტალები, რომელთაც ეხება სატენდერო წინადადება;

* სატენდერო წინადადების პირობები პრეტენდენტს წინასწარი განზრახვით, პირდაპირ ან არაპირდაპირ, არ გაუშუღავებია ან/და არ გაუშუღავებეს კონკურენტს სატენდერო წინადადების გახსნაჯარობის მომენტამდე.

გავეცანი ამ აფიდავიტის შინაარსს და ვადასტურებ წარმოდგენილი ინფორმაციის უტყუარობას.

სახელმწიფო შესყიდვების მიზნებისთვის, აფიდავიტი წარმოდგენს სატენდერო წინადადების დამოუკიდებლად განსაზღვრის თაობაზე წერილობით დოკუმენტს, რომლის ხელმოწერა, პრეტენდენტის სახელით, ადასტურებს დოკუმენტში მოთხოვნილი ინფორმაციისა და გარემოებების უტყუარობას და საქართველოს განთქმულია დადგენილი წესით პასუხს აგებს აღნიშნული ინფორმაციისა და გარემოებების უტყუარობაზე. აფიდავიტით განსაზღვრული პირობების დარღვევა იწვევს სისხლის-სამართლებრივ პასუხისმგებლობას საქართველოს სისხლის სამართლის კოდექსის 195¹ მუხლის შესაბამისად.

რეკვიზიტები:

პრეტენდენტის იურიდიული ფორმა და დასახელება:

ხელმძღვანელის სახელი და გვარი:

პრეტენდენტის იურიდიული ან/და ფაქტური მისამართი:

საიდენტიფიკაციო კოდი:

პრეტენდენტის ტელეფონის ნომერი:

ელექტრონული მისამართი:

ბანკის კოდი:

ანგარიშსწორების ანგარიში:

-----ხელმოწერა/ბეჭედი

							დანართი	N3
შემსყიდველების მიერ ყოველთვიურად გადასახდელი ჯამური თანხის გაანგარიშება								
შემსყიდველების დასახელება	საოფისე ფართის წილობრივი პროცენტი %	სარდაფის ფართის წილობრივი პროცენტი %	კიბის, უჯრედების, ეზოს და ფასადის წილობრივი პროცენტი %	საოფისე ფართის დასუფთავების თვის ყოველთვიურად გადასახდელი თანხა	სარდაფის ფართის დასუფთავების თვის ყოველთვიურად გადასახდელი თანხა	კომის, უჯრედების, ეზოს და ფასადის დასუფთავების თვის ყოველთვიურად გადასახდელი თანხა	დასუფთავების მომსახურების ერთი თვის საერთო ღირებულება	დასუფთავების მომსახურების წლიური (11 თვე) მომსახურების ღირებულება
სსიპ საგანმანათლებლო დასამეცნიერო ინფრასტრუქტურის განვითარების სააგენტო	20.24	0.00	18.20	0.00	0.00	0.00	0.00	0.00
სსიპ საგანმანათლებლო დაწესებულების მანდატური სამსახური	17.38	43.93	21.34	0.00	0.00	0.00	0.00	0.00
სსიპ განათლების ხარისხის განვითარების ეროვნული ცენტრი	37.25	45.18	37.09	0.00	0.00	0.00	0.00	0.00
სსიპ შოთა რუსთაველის ეროვნული სამეცნიერო ფონდი	25.13	10.89	23.37	0.00	0.00	0.00	0.00	0.00
ჯამი:	100.00	100.00	100.00	0.00	0.00	0.00	0.00	0.00
მომსახურებებზე ყოველთვიური ღირებულების განაწილება პროცენტულად				68.56%	3.78%	27.66%		
შენიშვნა: შეიყვანეთ სრულმომსახურებზე ყოველთვიური რაოდენობის გადასახდელი თანხა. დანარჩენი ავტომატურად შეივსება								

შენიშვნა: აღნიშნული ხარჯთაღრიცხვა Excel ფაილის სახით შეგიძლიათ ჩამოტვირთოთ შემდეგი ბმულიდან: <https://drive.google.com/file/d/0B7DvNEBNSsfJT01jcjNGSGp1UUk/view?usp=sharing>

ინფორმაცია მომსახურების განვებისას გამოსაყენებელი სახარჯი მასალების შესახებ			
Nº	დასახელება	ტექნიკური და ხარისხობრივი მახასიათებლები	წარმოშობის ქვეყანა
1			
2			
3			
ა.შ			

შენიშვნა:

პრეტენდენტმა უნდა წარმოადგინოს მომსახურების განვებისას გამოსაყენებელი სახარჯი მასალების მაქსიმალურად ვრცელი ჩამონათვალი, რომელიც უნდა იყოს მაღალი ხარისხის.

----- ხელმოწერა/ბეჭედი